



Na osnovu člana 10. stav 1. tačka 14. Zakona o nacionalnim savetima nacionalnih manjina (Službeni glasnik RS", broj 72/09, 20/14 – odluka US, 55/14 i 47/18), člana 42. stav 1. tačka 6 i člana 14a. stav 1. Statuta Bošnjačkog nacionalnog vijeća u Republici Srbiji (broj 54-12/2018 od 08. decembra 2018. godine), Izvršni odbor Vijeća na sjednici održanoj 23. maja 2019. godine, donosi

**ODLUKU O
POKRETANJU INICIJATIVE
ZA RJEŠAVANJE STATUSA BOŠNJAKA I STATUSA REGIJE SANDŽAK**

Član 1.

Pokreće se inicijativa za rješavanje statusa Bošnjaka i statusa regije Sandžak.

Član 2.

Inicijativa za rješavanje statusa Bošnjaka i statusa regije Sandžak sastavni je dio ove odluke.

Član 3.

Bošnjačko nacionalno vijeće će sa sadržinom ove Inicijative upoznati Evropsku uniju, OSCE, grupu država „Prijatelji Sandžaka“, Vladu Republike Srbije, Vladu Crne Gore, Predsjedništvo Bosne i Hercegovine i druge zainteresovane strane.

Bošnjačko nacionalno vijeće će organizovati javne prezentacije, tribine, panel diskusije i preduzeti druge odgovarajuće aktivnosti u cilju promocije, afirmacije i implementacije ove Inicijative.

Član 4.

Bošnjačko nacionalno vijeće uputiće poziv bošnjačkim političkim strankama u Sandžaku, bošnjačkim nacionalnim institucijama i organizacijama u Sandžaku, organizacijama civilnog društva te istaknutim pojedincima da pruže podršku Inicijativi za rješavanje statusa Bošnjaka i statusa regije Sandžak, učestvuju u aktivnostima Vijeća, te da samostalno preduzimaju radnje na promociji, afirmaciji i implementaciji ove Inicijative.

Član 5.

Funkcioneri i zvaničnici Vijeća u svojim javnim istupima promovisaće načela, principe i sadržinu Inicijative za rješavanje statusa Bošnjaka i statusa regije Sandžak..

Član 6.

Predsjednik Vijeća preduzeće aktivnosti iz člana 3. stav 1. i člana 4. ove odluke.

Izvršni odbor Vijeća koordiniraće aktivnostima iz člana 3. stav 2. ove odluke.

Savjet za nadzor rada organa Vijeća pratiće realizaciju obaveza i aktivnosti utvrđenih članovima 3. 4. i 5. ove odluke.

Član 7.

Odluka stupa na snagu danom donošenja.

U Novom Pazaru, 23. maja 2019. godine
Broj: 464-09/2019 i

Zaključak o Ispravci:
Broj: 578-09/2019 od 28. juna 2019. godine

